



PRAVILNIK

Prijem, članstvo i isključenje članova
u Streljačkom savezu Federacije
Bosne i Hercegovine

Sarajevo, juli 2022. godine



PRAVILNIK

o prijemu, članstvu i isključenju članova u Streljačkom savezu Federacije Bosne i Hercegovine

Juli, 2022. godine

(Namjerno ostavljeno praznim)

Na osnovu Zakon o sportu u Bosni i Hercegovini "Službeni glasnik BiH", broj 66/16, Zakona o udruženjima i fondacijama Federacije Bosne i Hercegovine" Službeni glasnik BiH", broj 94/16, Statuta Streljačkog saveza Federacije Bosne i Hercegovine, a u cilju regulisanja prijema, članstva i isključenja Upravni odbor Streljačkog saveza Federacije Bosne i Hercegovine donosi:

P R A V I L N I K
o prijemu, članstvu i isključenju iz Streljačkog saveza Federacije Bosne i Hercegovine

Član 1.
(Predmet)

Ovim se Pravilnikom utvrđuju kriteriji, mjerila, postupci djelatnosti iz domena pristupa članstvu, statusa, dužnosti, prava i odgovornosti, prestanka članstva, proglašavanja počasnih i pomažućih članova i evidencije i isključenju iz Streljačkog saveza Federacije Bosne i Hercegovine (u daljem tekstu Savez).

Odredbe Pravilnika o prijemu, članstvu i isključenju iz Streljačkog saveza Federacije Bosne i Hercegovine (u daljem tekstu Pravilnik članstva) obavezujuće su za sve članove Saveza, kao i za sve druge osobe koje na bilo koji način sudjeluju u radu Saveza.

Član 2.
(Članstvo u savezu)

Savez organizuje svoj rad na način pristupa članstvu pravnih i fizičkih lica koji svoje djelatnosti obavljaju iz domena sportskog streljaštva.

Članovi Saveza mogu biti:

1. Redovni
2. Pomažuci
3. Počasni.

1. Redovni članovi Saveza

Redovni članovi su članovi koji svoju aktivnost iskazuju kroz aktivno članstvo ili pridruženo članstvo.

1.1. Aktivni članovi:

- a. Aktivni članovi su Streljački klubovi/udruženja koji svoju aktivnost iskazuju kroz stalne - konstantne aktivnosti u sportskom streljaštvu čija je osnovna djelatnost sportsko streljaštvo i kao takve su upisane u registar nadležnog ministarstva.
- b. Navedena pravna lica mogu uzeti aktivnost u radu Saveza putem svojih predstavnika-delegata na način da svaki član imenuje broj delegata shodno ovom pravilniku i shodno odluci Skupštine saveza.
- c. Aktivni članovi ukoliko u svojoj osnovnoj djelatnosti rada imaju djelatnost učešća na sportskim takmičenjima sportskog streljaštva mogu uzeti učešće u ligaškim, prvenstvenim ili zvaničnim takmičenjima shodno Kalendaru i Pravilnicima takmičenja Saveza.
- d. Aktivni članovi Saveza mogu biti sportski klubovi, sukladno članu 22. Zakona o sportu Bosne i Hercegovine (Sportski klubovi u pojedinim sportovima udružuju se u sportske saveze radi ostvarivanja zajedničkih interesa i ciljeva).
- e. Aktivni članovi nemogu biti pravna i fizička lica koja su članovi sportskih i drugih saveza koja nemaju djelatnost sportskog streljaštva.

1.2. Pridruženi članovi

- a. Pridruženi članovi su Streljački savezi, udruženja stručnih lica (sudije, treneri i slično) koji se bave sportskim streljaštvom, okupljanjem streljačkih klubova, organizacijom i promocijom streljaštva kao sporta na državnom, federalnom, kantonalnom, gradskom i općinskoim nivou.
- b. Pridruženi članovi Saveza su i fizička lica koja obavljaju povjerene funkcije na stručnim i administrativnim poslovima a nisu članovi nijednog pravnog lica Saveza i svoja prava ostvaruju obavljajući povjerenu funkciju.
- c. Pridruženi članovi su i fizička lica - pojedinci koji su članovi nekog kluba-udruženja Saveza i uzimaju učešće na zvaničnim takmičenjima Saveza (ligaškim, prvenstvenim i drugim takmičenjima obuhvaćenim kalendarom takmičenja Saveza) u pojedinačnoj kategoriji uz ispunjavanje pravila takmičenja.
- d. Pridruženi članovi ukoliko ispune norme iz stava 1.1.ovog člana mogu ostvarivati prava iz navedenog stava i postati aktivni članovi Saveza.
- e. Pridruženi članovi iz ovog člana stv 1.2. tačke c mogu uzeti učešće na zvaničnim takmičenjima kalendara takmičenja saveza.
- g. Pridruženi članovi mogu po odobrenju Skupštine prisustvovati Skupštini saveza bez prava glasa.

2. Pomažući članovi

- Fizička i pravna lica koja svojim aktivnostima, donacijama, uslugama, materijalnim sredstvima ili na neki drugi način doprinose razvoju streljaštva kao sporta;
- Potpomažući članovi Saveza su fizička i pravna lica koja svojim priložima i donacijama potpomažu rad i aktivnosti Saveza u ostvarivanju ciljeva i zadataka.
- Pomažućim članovima se može za njihov doprinos dodjelivati priznanja i prigodni pokloni kao i publikovati njihov logo i promotivni materijal pri radu Saveza.
- Pomažući članovi Saveza su pojedinci koji mogu biti iz reda redovnih članova.
- Pomažući članovi Saveza učestvuju u radu Saveza i Skupštine, ali nemaju pravo glasa.

3. Počasni članovi

- Počasni članovi Saveza su članovi, sportski radnici, istaknuti takmičari i pojedinci, osobe, organizacije i institucije zaslužne za doprinos razvoju streljaštva kao sporta kojima su dodijeljena priznanja po pravilniku o dodjeli priznanja.
- Počasni član Saveza je lice koje Upravni odbor Udruženja zbog postignutih naročitih zasluga za razvoj sportskog streljaštva i rada Saveza proglasi za počasnog člana.
- Počasnim članovima se može za njihov doprinos iskazati zahvala, pohvala ili nagrada;
- Počasni članovi mogu uzeti učešće u radu Saveza i Skupštine bez prava glasa.

Član 3. (Pristup članstvu)

Članstvo u Savezu je dobrovoljno. Pravna i fizička lica za prijem u redovno članstvo u Savezu podnose sljedeća dokumenta:

- a. Popunjen obrazac pristupa članstvu
- b. Statut, ojerena kopija;
- c. Rješenje o registraciji, ovjerena kopija
- d. Izvod iz registra (ne stariji od šest mjeseci od dana podnošenja Zahtjeva), ovjerena kopija
- e. Obavijest o razvrstavanju
- f. ID broj, ovjerena kopija.

Upravni odbor Saveza nakon donesene odluke prema istoj izdaje Rješenje o prijemu ili odbijanju prijema. Odluku o prijemu novog člana Saveza donosi Upravni odbor, shodno Pravilniku članstva, a na osnovu

prethodno evidentiranog zahtjeva za pristupanje u članstvo.

U slučaju donošenja odluke o odbijanju prijema u Savez, streljački klub, udruženje ili savez, pojedinac može podnijeti žalbu Skupštini saveza u roku od 15 (petnaest) dana od dana prijema informacije o odbijanju prijema u Savez. Informacija se može dostaviti i elektronski na zvaničnu dostavljenu adresu zaprimanja pošte od strane podnosioca zahtjeva.

Prigovor se podnosi pismenim putem Skupštini Saveza u roku od 8 (osam) dana od dana uručenja informacije. Blagovremeno podneseni prigovor odlaže prijem novog člana u Savez.

Na osnovi blagovremeno podnesenog prigovora, Skupština Saveza dužna je odgovoriti u roku do trideset (30) dana od dana podnošenja prigovora.

Odluka Skupštine Saveza je konačna, i protiv nje nije dozvoljena žalba.

Član Saveza koji je ranije isključen iz Saveza ima pravo ponovnog podnošenja zahtjeva za članstvo ukoliko ispunjava uslove članstva i po ispunjenju uslova iz odluke o prestanku članstva.

Član 5. (Prava članova)

Aktivni članovi Saveza imaju pravo :

- a. Budu redovno informirani o radu svih tijela Saveza;
- b. Aktivno učestvuju u radu i odlučivanju u svim organima i radnim tijelima Saveza;
- c. Biraju i budu birani u organe Saveza;
- d. Da učestvuju na takmičenjima ukoliko zadovoljavaju predviđene sportske normative za učešće, koji će biti propisani posebnim Pravilnikom takmičenja;
- e. Aktivno učestvuju u utvrđivanju programa i plana rada Saveza i njihovoj realizaciji;
- f. Da učestvuju na takmičenjima ukoliko zadovoljavaju predviđene sportske normative za učešće, koji će biti propisani posebnim Pravilnikom takmičenja;
- g. Ostvaruju uvid u rad Saveza, pokreću akcije, predlažu i poduzimaju mjere za ostvarivanje ciljeva i djelatnosti i programa rada Saveza;
- h. Da stekne znanja streljačkog sporta, a po potrebi i stručna zvanja;
- i. Podnositi zahtjev za izdavanje Potvrde o članstvu;
- j. Ostvarivati i druga prava regulisana Zakonom o sportu, zakonu o oružju i u skladu sa Statutom i Pravilnikom i Odlukama Saveza.
- k. Ostvaruju zaštitu svojih prava.

Navedena prava članova iz ovog člana tačke b.,c.,d. i e. se odnosi samo na članove iz člana 2. Stav 1.1..

Član 6. (Obaveze članova)

Obaveze aktivnih članova saveza su:

- a. da aktivno učestvuju u aktivnostima Saveza posebno ako su članovi nekog od organa Saveza;
- b. da vrše redovno plaćanje članarine u iznosu shodno odluci Upravnog odbora;
- c. da se pridržavaju Statuta i drugih akata Saveza;
- d. da se staraju o opremi i materijalno tehničkim sredstvima Saveza;
- e. da učestvuju na takmičenjima ukoliko zadovoljavaju predviđene sportske normative za učešće;
- f. da se pridržava sportskog kodeksa ponašanja i mjera sigurnosti prilikom rukovanja oružjem;
- g. dostaviti Savezu neophodnu traženu dokumentaciju shodno Pravilnicima i odlukama
- h. putem zahtjeva za pristup članstvu dostaviti tražene podatke
- i. Osigurati elektronske uslove komunikacije, određivanjem kontakt telefona za kontakt, viber komunikacija, određivanjem službene e-mail stranice člana a ne putem fizičkog lica;

- j. Pratiti rad Saveza i obavijesti koje se ističu na oglasnoj tabli, putem e-maila, medija ili putem pošte;
- k. Obavezno obavještavanje Upravnog odbora u roku od 30 dana od promjena za akte ili dokumente koje su dostavljene savezu;
- l. da usklade svoje aktivnosti sa ovim Pravilnikom te da promoviraju rad Saveza;
- m. da u svom memorandumu imaju i naziv Streljački savez Federacije Bosne i Hercegovine;
- n. da u svom radu ne promovišu kao i da u svojim prostorijama ne ističu obilježja koja su zabranjena Zakonom o udruženjima i fondacijama;

Navedene obaveze članova iz ovog člana tačke b., se odnosi samo na članove iz člana 2. Stav 1.1..

Član 7. (Odgovornosti)

Članovi Saveza imaju odgovornosti prilikom neispunjavanja svojih obaveza i prava kao i prilikom:

- a. nepoštivanje odredbi važećih zakona i Statuta Saveza,
- b. nepoštivanjem odredbi ovog Pravilnika i drugih akata Saveza,
- c. nepoštivanje sportskog kodeksa ponašanja.

Za neispunjavanje određenih dužnosti Upravni odbor po procjeni može pojedinim članovima izreći javnu kritiku ili opomenu pred prestanak članstva, ukoliko će to doprinijeti njegovom aktivnijem daljnjem radu

Član 8. (Prestanak članstva)

Prestanak članstva u Savezu nastupa:

- a. istupanjem;
- b. brisanjem;
- c. isključenjem.

Na osnovu potrebe usklađivanja sa Zakonskim normama, Statutom Saveza, zahtjevima nadležnih organa ili po potrebi uređenjem evidencije i Pravilnika, Upravni odbor može po potrebi revidirati članstvo te tražiti ažuriranje podataka za svoje članove.

Obaveza Upravnog odbora u slučaju prestanka članstva dužan je na prvoj narednoj sjednici Skupštine informisati Skupštinu o prestanku sa obrazloženjem.

Član 9. (Istupanje članova iz saveza)

Odluku o istupanju iz Saveza može donijeti i svaki član. Odluka o istupanju člana mora biti dobrovoljna ili u sljedećim slučajevima kada član bez pismenog obavještanja saveza o nemogućnosti ispunjavanju obaveza :

- a. ne učestvuje u zvaničnim takmičenjima ili
- b. ne ispunjavanjem obaveza članstva, plaćanje članarine ili
- c. neprisustva sastancima delegata u organima saveza u tekućoj godini dana

Upravni odbor daje konačnu odluku o istupanju i vrednuje pismeno obavještenje o neispunjavanju obaveza.

Član je dužan informisati Savez o odluci za istupanje iz Saveza, sa ili bez obrazloženja.

Na osnovu odluke člana o istupanju iz Saveza Upravni odbor izdaje Rješenje o istupanju člana iz Saveza. Upravni odbor informiše Skupštinu o istupanju člana iz Saveza na prvoj slijedećoj sjednici.

Sa datumom podnošenja zahtjeva odnosno saopštenja o istupanju ili odlukom Upravnog odbora prestaje članstvo u Savezu.

Prava koja je lice ostvarivalo članstvom u Udruženju prestaju njegovim istupanjem kao i obavljanje povjerene funkcije koje je obavljao.

Pri istupanju član je obavezan izvršiti neizmirene obaveze članstva ukoliko Upravni odbor ne donese drugu odluku. Istupanje iz članstva nastupa i smrću člana Udruženja.

Član 10.
(Isključenje članova iz saveza)

Član može biti isključen iz Saveza.

Odluku o isključenju donosi Upravni odbor Saveza.

Odluku o isključenju člana iz Saveza donosi Upravni odbor može donijeti i na osnovu prijedloga Disciplinskog suda.

Isključenje člana Saveza se vrši kada član teže povrijedi odredbe Statuta ili drugih akata i Pravilnika Saveza ili ako djeluje protivno ciljevima i interesima Saveza.

Isključenje se vrši i kada član povrijedi norme sportskog ponašanja i ne pridržavanja mjera sigurnosti kao u učestvovanjem u događajima koji su društveno neprimjerene za norme sportskog ponašanja.

Na osnovu odluke o isključenju Upravni odbor članu izdaje Rješenje o isključenju iz Saveza.

Član 11.
(Brisanje iz evidencije saveza)

Brisanje člana iz Saveza se vrši kada isti zanemaruje obavljanje povjerenih funkcija koje su mu dodijeljene kao i neispunjavanje dužnosti i obaveza članova definisanih Statutom Saveza i ovim Pravilnikom.

Sa datumom brisanja iz evidencije iz članstva prestaje članstvo u Savezu, prestaju prava koja je lice ostvarivalo članstvom u Udruženju i prestaje obavljanje povjerenih funkcija koje je član obavljao.

Pri brisanju član je obavezan izvršiti neizmirene obaveze članstva ukoliko Upravni odbor ne donese drugu odluku.

O izvršenom brisanju iz evidencije članstva Upravni odbor je obavezan pismeno obavijestiti člana o brisanju iz članstva.

Brisanje iz evidencije nastupa i u slučaju prestanka rada navedenog člana.

Član 12.
(Prigovor o brisanju i isključenju iz članstva)

Prigovor protiv odluke o brisanju i isključenju iz članstva se može podnijeti Skupštini Saveza u roku od 30 dana od dana objave odluke na oglasnoj tabli ili prijemu iste.

Odluku i Rješenje o isključenju potvrđuje Skupština (natpolovičnom većinom) na prvoj narednoj sjednici. Odluka skupštine je konačna, shodno Statutu Saveza i protiv nje se ne može podnijeti prigovor ili žalba.

Član 13.
(Registar članstva)

Skupština Saveza, donosi Pravilnik o Registru članova Saveza a isti predlaže i vodi Upravni odbor Saveza.

Član 14.
(Evidencija članstva)

Upravni odbor Saveza će uredno voditi evidenciju Članstva na obrazcima propisanim od strane nadležnih institucija ili ukoliko nisu propisane istu propisuje Upravni odbor.

Član 15.
(Propisani obrazci i evidencije)

Propisani obrazci ovog Pravilnika su:

- a. Obrazac pristupa članstvu;
- b. Zahtjev za izdavanje potvrde o članstvu;
- c. Potvrda o članstvu;
- d. Rješenje o prestaku članstva
- e. Evidencija članstva i evidencija naprijed navedenih obrazaca.

Upravni odbor će uredno voditi propisane evidencije kao i druge potrebne evidencije koje će doprinijeti profesionalnije radu Saveza.

Član 16.
(Transparentnost u radu)

Sva upravna tijela Saveza se obavezuju na potpunu transparentnost u radu. Javnost i sredstva informisanja imaju pravo na dostupnost informacija.

Predsjednik Upravnog odbora ili lica koja on ovlasti su obavezni da informišu, ukoliko za to ima potrebe javnost ili sredstva informisanja o aktivnostima vezanim za prijem, članstvo ili isključenje iz Saveza.

Ukoliko informacija može naštetiti članovima ili Savezu, članovi i Savez zadržavaju pravo da istu ne dijele u javnosti ili u sredstvima informisanja, a u skladu sa pozitivnim Zakonskim rješenjima.

Član 17.
(Izmjene i dopune Pravilnika)

Pravilnik donosi i potvrđuje Upravni odbor Saveza.

Izmjene i dopune ovog Pravilnika vrše se na način i u postupku predviđenom za njegovo donošenje.

Pravilnik mijenja i dopunjuje Upravni odbor Saveza.

Član 18.
(Primjena drugih propisa)

Pravilnikom nedefinisane situacije i odnose regulisati će Upravni odbor Saveza posebnim odlukama, a u skladu sa pozitivnim Zakonskim rješenjima.

Član 19.
(Stupanje na snagu i početak primjene)

Ovaj Pravilnik stupa na snagu danom donošenja i isti će biti dostupan svim članovima Saveza kao i zainteresovanim licima, te će isti biti istaknut na vidno mjesto – oglasnu ploču i web stranicu Saveza.

Sve članice Saveza su obavezne najkasnije 30 dana od dana stupanja na snagu ovog Pravilnika Savezu dostaviti propisanu dokumentaciju.

Upravni odbor je obavezan u roku od 60 dana od dana stupanja na snagu pravilnika članstva uskladiti propisane obrazce i evidencije proizašle iz ovog Pravilnika i postupiti po istom.

Odredbe ovog Pravilnika obavezujuće su za sve članove Saveza, kao i za sve druge osobe koje na bilo koji način sudjeluju u radu Saveza.

PREDSJEDNIK UPRAVNOG ODBORA

Rašid Kasumović

Broj: _____

Datum: _____

PRILOZI:

- a. *Obrazac pristupa članstvu*
- b. *Zahtjev za izdavanje Potvrde o članstvu*
- c. *Potvrda o članstvu*
- d. *Rješenje o prestanku članstva u Savezu*
- e. *Registar članova Saveza*

PRISTUPNICA ČLANSTVU

Nakon što sam upoznat sa Statutom Saveza, Pravilnikom članstva, pravima, obavezama i odgovornostima članova Streljačkog saveza Federacije Bosne i Hercegovine, izrazavam želju za članstvom te prihvatam norme ponašanja i programske ciljeve predviđene Statutom a stečeno znanje koristiti u sportske svrhe i naglašavam da na ličnu odgovornost svojih članova-takmičara učestvujemo u trening-obuci i takmičenjima u streljaštvu i snosimo materijalnu i moralnu odgovornost za sve eventualne povrede koje bih prouzrokovali te da Savez ne snosi odgovornost za štetu-posljedicu koja može nastati radnjama drugih lica-članova kluba.

Naziv kluba _____

Sjedište i adresa kluba _____

Datum osnivanja _____

Broj rješenja o osnivanju _____

ID Broj _____

Ime i prezime i kontakt telefon odgovornog/ih lica za zastupanje i predstavljanje:

Kontakt telefon kluba, email, fax _____

Podnosilac zahtjeva je član drugog saveza (navesti kojeg i u kom sportu)

Članovi podnosioca zahtjeva se takmiče u okviru drugog saveza (navesti kojeg)

Sportski objekti kluba (adresa, otvorena ili zatvorena civilna strelišta, broj pucačkih mjesta, vlasnik ili korisnik) _____

Posjeduje oružje vazdušno (standard/serijsko oružje, puške, pištolji, elektronske mete i dr.), vatreno oružja, broj komada:

a. vazdušno _____

- puška _____
- pištolj _____

b. vatreno _____

- puška _____
- pištolj _____

Stručno osoblje(treneri, sudije i druga stručna zvanja):

Tri najznačajnija sportska rezultata kluba:

- a. _____
- b. _____
- c. _____

Tri najznačajnija rezultata pojedinaca u klubu:

- a. _____
- b. _____
- c. _____

Navedene lične podatke dajem na raspolaganje Savezu u svrhu vođenja evidencija i eventualnih provjera istih, a obavezujem se da ću blagovremeno o svim sve promjenama i dopunama naprijed navedenih podataka kao i propisanih obaveza iz Pravilnika o članstvu obavijestiti Upravni odbor Saveza.

U prilogu se dostavlja:

- a. Statut streljačke organizacije, (trenutno važeći sa eventualnim izmjena i dopunama), ovjerena kopija;
- b. Osnovno Rješenje o registraciji, ovjerena kopija;
- c. Izvod iz registra (ne stariji od šest mjeseci od dana podnošenja Zahtjeva), ovjerena kopija;
- d. Obavijest o razvrstavanju, ovjerena kopija;
- e. ID broj, ovjerena kopija;

Datum _____ godine

Potpis _____

Na osnovu Statuta Streljačkog saveza Federacije Bosne i Hercegovine, Pravilniku o prijemu, članstvu i isključenju članova u Streljačkom savezu Federacije Bosne i Hercegovine podnosim:

ZAHTJEV

za izdavanje Potvrde o članstvu

Ja, _____ ovlašteni predstavnik _____ kluba podnosim Zahtjev za izdavanje Uvjerenja o članstvu u Streljačkom savezu Federacije Bosne i Hercegovine u svrhu: _____.

Broj: _____

Dana: _____ godine

Zahtjev podnosi

Na osnovu Statuta Streljačkog saveza Federacije Bosne i Hercegovine, Pravilniku o prijemu, članstvu i isključenju članova u Streljačkom savezu Federacije Bosne i Hercegovine te Odluci Upravnog odbora Streljačkog Saveza Federacije Bosne i Hercegovine, izdaje se:

POTVRDA

Kojim se potvrđuje da je _____, sa sjedištem u _____ posjeduje ID broj _____, član Streljačkog saveza Federacije Bosne i Hercegovine, te da isti ispunjava obaveze članstva predviđene Statutom Saveza.

Potvrda se izdaje na lični zahtjev kluba/udruženja te služi u svrhu dokazivanja članstva u Streljačkom savezu Federacije Bosne i Hercegovine za _____. godinu.

Broj: _____

Datum: _____

Dostavljeno:

1x Imenovanom

1x Arhiva

Predsjednik UO

Na osnovu Statuta Streljačkog saveza Federacije Bosne i Hercegovine, Pravilniku o prijemu, članstvu i isključenju članova u Streljačkom savezu Federacije Bosne i Hercegovine te Odluci Upravnog odbora Streljačkog Saveza Federacije Bosne i Hercegovine, izdaje se:

RJEŠENJE

O prestanku članstva

Kojim se izriče mjera prestanka članstva istupanjem/isključenjem/brisanjem iz članstva za _____, sa sjedištem u _____ posjeduje ID broj _____.

OBRAZLOŽENJE

Broj: _____

Datum: _____

Dostavljeno:

1x Imenovanom

1x Arhiva

Predsjednik UO

REGISTAR ČLANSTVA
u Streljačkom savezu Federacije Bosne i Hercegovine

r/b	NAZIV KLUBA	ID BROJ	ADRESA sjedište i kontakt telefon i službeni e-mail	OVLAŠTENI PREDSTAVNICI kontakt telefon	ČLANSTVO		NAPOMENA
					Datum prijema	Datum isključenja	
1.							
2.							
3.							
4.							